

مجموعه ابو الضیاء

ماسوا شایسته شدن دلی تطهیر و پالاش
بر تو حکمت و عرفان الهی توره آتش

علوم و معارفدن بحث ابدی. و هر ماه عربی ابتدا سیله اون بشده نشر اولور مجموعہ درین

عدد ۲۳ - جلد ۲ [۱۵ شعبان سنه ۱۲۹۹ [نفعده سی ۳۱ عروشن

ایمک ایچون صیق صیق منصب د کشدیر برلر ایدی . شهزاده ایسه مقصدی بیلدیکی ایچون قطعاً مطاوعتدن آیرلزدی . نهایت مأمول ایتدکاری یولده شهزاده دن هیچ بر حرکت کوره مدکارندن ساخته بر مکتوب ترتیب ایده رک ، پادشاهه تقدیم ایلدیلر . بو مکتوب مشارالیهک خط و مهرینه یک موافق صورتده تقلید ایدلش ایدی . حضرت پادشاه مکتوبی اوقونجه فوق الغایه منفعل اوله رق ، چونکه کندیزی ایران سفرینه متعازم بولندیغی جهتله او یله بر زمانده وارث سلطنتی اولان اکبر اولادینک کندی علیه قیام ایمک عزمنده بولمسنی یک چرکین کورمش ایدی . بناء علیه یأس و غضبدن مرکب بر چهره ایله رخسار آلك یانه کیده رک ، « ایسته جایه ایتدیگک مصطفی تک مقصد و معرفتی کور » بوللو بر خطاب ایله مکتوبی ارأه و مندرجاتنی افاده ایدنجه مومی الیها کویا ایشدن خبردار دکلش کبی شهزاده تک بویله بر مکتوب یازمق دکل بویله بر نیتده بیله بولمق احتمالی اولدیغندن بختله مکتوبک ساخته اوله بیله جکی حقنده یمیلر ، قسملر ایله پادشاهی تأمیننه چالشدی . فقط پادشاهک بر کره فرزندنی حقنده بویله بر عقیده حاصل ایتدکدن صکره آنی تصحیح اتمکلی محال ایدی . بو آرائق ایسه شهزاده ، سنت سنیهیه امتثالاً ارسال لویه ایلدیکنی خاکبای شاهانهیه عرض ایلسندن بو خصوص دخی منویانسه بر مقدمه صورتده تلقی اولندی . نهایت ۹۶۰ سنه هجریه سی شوانک بکر مغنی کونی ایران سفرینه متوجها ارکلی جوارنده (آق اوویک) دنیلان محله شهزاده مشارالیهک بدریله ملاقات ایچون خیمه پادشاهییه کیررکن اشارت همایون ایله بونی اورلدی . مکر ۹۶۰ سنه تاریخ شهادتیدر . لطایع

بعض معلومات فنیه

فتح میت اصولیه آچیلان باشلر میسانده شمیدی به قدر تاریخ طبک

الك جسم و الك ثقیل اوله رق قید ایندیکی (مغز) انکله زده حامی عنوانیه حکومت ایدن مشهور (قرومول) ك دماغیدر .

بو ذالك دماغندن صكره الك جسم مغز علم حیواناتی درت قسمه آرمش اولان فرانسه طبیعیونندن (كویه) نام حكیم مشهورك پینی در . بو ذالك قوه حافظه سی فوق الغایه اوله رق و لو نه قدر عادی و حكیمز اولورسه اولسون ، مسموعات و مطالعاتدن مدت عمر نه هیچ برشی اونتماش اولدیغی و طقوز ساعتدن آشاغی اویقو اویومدیغی مشهوردر .

عقلك و فرقی دماغك حجم و جسامتیه متناسب اولدیغی فن تشریح مجددلندن اولان (پشا) ادعا ائلمشدر . غریبه در كه كندی پینی تشریح اولندقدن ادعاسنه مخالف اولق اوزره پینی جوز قدر ظهور ائتمشدر . حال بو كه كندیسی ذكاوت فوق العاده یه مالك بر نادره روزگار ایدی .

وجود انسانینك قسم علویسنده بر مقام عال العالی حائر اولان (مغز) خارجاً صاج و دری و كيك ايله محاط و مستحکم و قهقك دروننده دخی بشقه جه اغشیه نئه ايله محفوظ و مستور بولندیغی حالده تربیه و تعلم ايله حجم و ثقلنی آرتیردیغی ارباب فن عندنده متفق علیهدر .

زیرا عضو بشرك هر هسانکیسی اولورسه اولسون استعمالی مرته بنده کسب جسامت و تزید ثقلت ایلیدجکی و حال عطالتده بولنان بر عضو ايله اجرای افعال ایدن عضو میاننده فرق عظیم بولندیغی یته ارباب علومك بجه تمهیداتنددر .

رجالك دماغی نسوانك دماغندن حساب متوسط اوزره ۴۸ درهم ده ا ثقیل اولدیغی مدققین اهل تشریحدن (په آقون) ايله (زیست) بیان ائلمشدر . مع مافیه قوای عقلیه و ملکات ذهنیه سنی علی التمادی استعمال ایدن بر قادینك دماغی جهالتندن طولانی افعال ذهنیه سی حال عطالتده بولنان بر ار ككك دماغندن حجم و ثقلجه ده ا زیاده اولدیغی تجارب عیدیه ايله اثبات اولمشدر .